

Sciummo

Mina

Tu scinne
Sciummo, sciummo, sciummo
Da 'a muntagna
Io scénno
Ca na malasciorte
Mm'accumpagna
E ghiammo, ohé
Ll'ammore è sciummo ca se perde a mare

Tu cante
- Tòcche, tòcche, tòcche
Spaccalegna
"A saccio
Nun ce sta na vócca
Cchiù sanguégna...!"
E i' scénno, ohé
Chi perde 'ammore va cercanno 'o mare

Campana
Ca suone 'a copp'a stu cunvento
Tu siente
Ch'ha fatto chella faccia 'e santa?

Ajére, 'mbracci'a me, nu svenimento
Stasera vasa a n'ato e se n'avanta

Oje comme
Sona lenta e triste
Na zampogna
Ca scénne
- sciummo, sciummo, sciummo
Da 'a muntagna

E ghiammo, ohé
Ll'ammore è sciummo ca se perde a mare
E 'nfunn'ò mare s'arreposa 'o core

Paese
Addó' só' nato, io te saluto
Te veco
Llá 'ncimma, sulo e abbandonato

E io 'nfamo, 'nfamo 'e me, mme ne só' ghiuto
Te lasso pecché 'ammore mm'ha lassato

Tu chiagne
Quase comm'a n'ommo
Ca se lagna
E i' scénno
- sciummo, sciummo, sciummo
Da 'a muntagna

E ghiammo, ohé
Ll'ammore è sciummo ca se perde a mare
E sulo 'o mare fa scurdá ll'ammore